

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

80. Perspicilia

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

B. Noli hæc cum antiquis operibus, structuris, machinis, militia conferre, quorum vestigia & ruinas jam obstupescimus, nunquam imitabimur, Lipsij sententiâ. *A.* At nobis renata ac prope reperta Religio instar omnium esto *B.* Hoc novæ inventioni deest, quod cum infiniti religionem profiteamur, pauci eam observemus, audiamus, exprimamus: unde metuendum, ne dū patres nostros Evangelium reperisse gloriamur, Paganismus nobis irreat, & ad posteros nostros transmittamus, ut est in proverbio, pro thesauro carbones.

80. PERSPICILIA.

A. **H**em speculatorem. *B.* Imò proditorem si volueris. *B.* Quid superna scrutaris, cum inferiora nescias. *B.* Certè quia inferiora displicent, superiora consulo. *A.* Si quidem per tubulum prospicere, consulere est. *B.* Nescis nempe quid Galilæus de Galilæis nobis aperuerit cum astricolis commercii. *A.* Gratulor postquam oculis illucitis atque reditis. *B.* Atqui huic viro olim posteritas tantum non aram sacrabit, tanti ingenii munimentum, qui uno proportionum instrumento, universam penè geometriam compendiosissimè exhibuit. *A.* Nimum tu his hominibus propitius es. *B.* Quia illi soli ingenio uti videntur, reliqui aut abuti, aut non uti: & tamen horum unus nescio an incogitanter, an intemperanter magis me impetiit, quid verò me hic impedis? *A.* Haudquaquã, oratū tantum veni, ut quod habeo nuncii, ad Lunaticos oculis defer-

desferres, vel illis paulo superiores Mercuriales.
B. Quid illud est? *A.* Prius ex te id sciam, qua lingua utaris internuncia, Apolloniine, an Gymnosophistarum, an Brachmannum, an Trithemii Steganographia, an denique per nutus & signa cum illis sublimioribus colloquaris. *B.* Quid mirum per hieroglyphica nos confabulari, cum ijs olim Ægyptus tot seculis acquirerit, hodie Chineses historias ex funibus contortas explicaverint? Sed inter illa ludicra tua, scin' quid in Luna per hanc meam cannam inquiram? *A.* Tu dixeris. *B.* Hoc scilicet: An & ibi etiam imperent servi, doceant discipuli, egeant divites, militent mulieres, sapiant *stulti*, alantur otiosi, sileant *sophi*, sordent sacri, consulant pueri, pariant viri, judicent cœci, litigent fratres, emineant scurræ, vapulent senes, eluriant operarii: habes quid velim. *A.* Satis est: nam præsentem nostrum statum ad vivum tetigisti. *B.* Nonne si alæ forent ab hoc terreno globo avolaremus ad aliquem simplicioris materiæ? nunc verò dum compedes sunt, visu, & mente expatiabimur. *A.* Itane gravis tibi terra est? *B.* Quid ni sit, ubi lex recessit à sacerdotibus, disciplina à scholaribus, justitia à principibus, defensio à militibus, consilium à senibus, timor à juvenibus, patientia à pauperibus, pietas à divitibus, bonitas à civibus, veritas à mercatoribus, religio à clericis, devotio à religiosiis, humilitas à nobilibus, fides à populo, caritas à mundo, amor à parentibus, obedientia à filiis, custodia à prælatis, reverentia à subditis, æquitas à iudicibus, legalitas à consulibus, concordia

cordia à fratribus, familiaritas à fororibus, fidelitas ab operarijs, mansuetudo à potentibus, scientia à doctoribus, modestia à coniugibus, pudicitia à virginibus, integritas à iuvenibus, fiducia à cunctis, quidni Christus sit alienus ab omnibus?

81. FORTIFICATIO.

A. Icétne has introspicere chartas? *B.* Nemi-
ni, nisi amico secretissimo. *A.* Lapideo et-
iam, si volueris: nam tua secreta ne fidicula mi-
hi extorquebunt. *B.* Audenter loqueris; sed ec-
ce, tuæ fidei id tributum esto, & cognita sincerita-
tati. *A.* Atqui ego nihil video, nisi lineas: *B.* Non
harum delineationum peritus es? *A.* Nihil pla-
ne, itaque recipe hæc tua mysteria. *B.* Informan-
dus es, vides hic ichnographiam alicuius stru-
cturæ, de in sciographiam, denique orthographi-
am. *A.* Video, sed oculis minus graphicis. *B.* Nō-
ne verò apparet castrum esse munitissimum? en-
aggeres, en fossas, en vallum, en antetirma, plu-
teos, loricas. *A.* Satis est. *B.* Nunc dijudicanda
sunt hæc schemata Architectis, ubi ubi sunt, in-
geniosissimis, Italis, Belgis, Gallis, Germanis. *A.*
Prius dicendum erat quis primus delineator, vel
potius, quis principum exstructurus sit. *B.* Item
fidem tuam compello, res enim planè se-
creta est. *A.* Et fidere & diffidere nimum vitio-
sum est, eloquere. *B.* Hypocritis hoc sibi propu-
gnaculum meditatur, ubi tuto lateat & homini-
bus velut Abyssini Imperatores tecta imperet.

A. Mira